

家 規

家規者族之法度也蓋一族之大人之賢不肖難齊必有以繩之使就於正而事之紛紜龐親必整齊劃一之然後得理家訓以諷歡為義此則有裁制禁戒之義焉

祖宗祭祀族之大典不可不誠凡牲酒器幣之數進退俯仰之容一一必揆諸禮司事者與祭者均不得草率有失儀節

墳山為祖宗體魄所藏無論道里之遠近祭掃之禮不可闕無論葬者之親疏愛護之心不可無尤不得任其淹失或故意侵犯

父母之於子女養之教之恩至深情至厚也承事之盡歡奉養之盡禮人子之職也不得怠忽

卑幼之於尊長理宜恭順不得侮慢為尊長者亦不宜有恃強凌弱挾尊制卑之事

教養子女父母之職無論生男生女不得遺棄至學齡時亦無論家境如何貧寒或將來令其為農為工為商數年教育不可闕也

婚嫁年齡古有定制男子三十而娶女子二十而嫁今雖不能守此然未成年而婚則不可若家貧蓄有童養媳亦必待其已及法定年齡方可結婚再童養媳宜善遇之不得虐待

一夫一妻國之通制雖兼祧亦不重娶有之必正嫡庶之分

夫愛婦順古之教也今世自由之說起學識淺者每誤解之一語

之契則相合一語之悖則相棄蓋以亂始必亂終吾族人子女對此必慎之於初既為夫婦不得任意離異

夫死守節禮之所尚古有旌表之典蓋所以表揚其貞操而足為後世法也然新寡之後矢志必堅若變節失節反增污垢凡婦喪夫或女喪婿能守者守之不能守者他適可也不必徒慕虛榮

倫常人之本也亂之何異禽獸同姓不婚古有明訓若兄亡弟收其嫂為妻弟亡兄收其弟婦為室者或養媳長成而子死又轉嫁他子為婦者吾族人子弟不得有此

立嗣以昭穆相當為原則以免紊亂世系至應繼愛繼均從其便其親房不得固執或把持尤不可因財產而爭繼但異姓異宗之子則不得以之承宗嗣

宗族雖大固異流而同源至房分盛衰之迹相互消長不庸岐視而不肖之徒往往從中撥弄使一族之間分崩離析吾族人不得出此

族中開會與會者須守秩序秉公持正窮究事理毋得交頭接耳高聲擾攘或使氣忿爭酗酒猖狂

近世宗族設施有如為政蓋其變也但有裨於治何必盡徵於古吾族先人慘淡經營立萬事永賴之基業法度具備規模宏遠非一人之力所能辦者制產以濟其用選人以司其職歷數百年其間或治或亂而一族井然非偶然也凡理事者應盡忠職守不得懈怠尤不可侵蝕公產以墮先人緒業

族長為一族之正人房長為一房之尊長遇有事故必須秉公持

正剖斷是非以息糾紛不得有受賄徇私公然袒庇之事

近世人心不古無惡不為舉凡結納匪黨窩藏異類及盜竊奸拐一切不法之事吾族人子弟對此應時時省察以免一念之差誤入迷途而不覺遂致觸犯刑章自罹法網

子弟當務正業不得有游手好閒習染賭博洋煙等不良嗜好及販賣違禁物品并詐欺取財等事

恃強圖賴服毒拼命為可惡可恨之事吾族人子弟力戒有此行為

國家義務人民所應負者不得逃避近世強鄰侵奪不肖之徒貪利無恥甘為奸宄吾族人應效忠國家不得出此

鄉黨以和睦為本宗族處其間所以範圍其子弟也非以之為爭鬪之器也然鄉里陋習同姓異姓儼若敵國往往因一人之爭而至於合族械鬪吾族人不得有此

爭訟是出於忍無可忍迫不得已之事如有口角細故聽房長勸解大爭端則請族長召集族人公議與異姓爭論由地方理斷不得動輒興訟凡好訟者不得請族人援助

孤兒寡婦為世之最可憐者吾族如有此類之人擁有資產者其親屬不得覬覦欺奪若貧寒不能存活者其親屬應量力矜恤有恆產者尤宜設法保全

以上二十二則凡我族人必須恪為遵守違者由族長房長及族人公同議處不服者嚴懲